

Հ. Ս. ՄԵԼԻՔՅԱՆ

ՍԱՐԻՂԱՄԻՇԻ ԿԱՅԱԶՈՐԻ ՀԵՂԱՓՈԽԱԿԱՆ
ՇԱՐԺՄԱՆ ՊԱՏՄՈՒԹՅՈՒՆԻՅ

1917 թ. Սարիղամիշը կովկասյան հեղափոխական շարժման առաջնա-
կարգ կենտրոններից մեկն էր: Ալեքսանդրապոլի և Կարսի հետ մեկտեղ այն
կարևորագույն ռազմա-ստրատեգիական հանգույց էր, որը թիկունքը կապում
էր կովկասյան ընդարձակ ռազմաճակատի հետ: Սարիղամիշում ու նրա շրջա-
նում 1917 թ. կենտրոնացված էին տասնյակ հազարավոր զինվորներ: Կային
նաև մի քանի հարյուր երկաթուղային և այլ բանվորներ: Դա էլ հենց այն հիմ-
նական բազան էր, ուր իրենց զործունեությունն էին ծավալում բոլշևիկները
ականավոր հեղափոխական Ստեփան Ալավերդյանի ղեկավարությամբ¹:

Փետրվարյան հեղափոխությունից հետո բոլշևիկները եռանդուն գործու-
նեություններ, քայլ առ քայլ, էսենների, դաշնականների և մենշևիկների ազդեցու-
թյունից պոկում էին զինվորներին ու աշխատավորներին, նրանց նախապատ-
րաստում սոցիալիստական հեղափոխության համար մղվող պայքարին:

Սարիղամիշի բոլշևիկների գործունեության պսակը հանդիսացավ այն,
որ Հոկտեմբերյան սոցիալիստական մեծ հեղափոխության հաղթանակից հետո
բոլշևիկներին պաշտպանող տասնյակ հազարավոր զինվորների աջակցու-
թյամբ այնտեղ հռչակվեց սովետական իշխանություն, որը վճռական պայ-
քարի դրոշ պարվեց ընդդեմ անգրկովկասյան հակահեղափոխության: Այդ
հաղթանակը ձեռք բերվեց բոլշևիկների տեական ու համառ ջանքերի շնորհիվ:
Սարիղամիշում ևս մասսաների բոլշևիկացման դժվարին պրոցեսը համընկնում
էր հեղափոխության զարգացման բեկումնային էտապների, մասնավորապես
հունիսյան հարձակման ու կոռնիլովշինայի հետ, երբ օբյեկտիվորեն ստեղծ-
ված բարենպաստ իրադրության պայմաններում բոլշևիկները մաքսիմում
հնարավորությամբ ծավալեցին իրենց ազատագրական միսիան:

Ներկա հոդվածում մենք փորձել ենք քննարկել Սարիղամիշում մասսաների
բոլշևիկացման հակասություններով ու դժվարություններով լի ճանապարհի
էտապներից մեկի՝ կոռնիլովյան խռովության ժամանակաշրջանի հարցերը, ժա-
մանակաշրջան, որն անմիջականորեն նախորդեց Հոկտեմբերի հաղթանակին:

Կոռնիլովյան խռովությունը, հեղափոխության դեմ ռուսական ռեակցիայի
միապետական-դենեդրական այդ դավադրությունը, այստեղ ևս ընդունվեց
մեծադույն զայրույթով:

Օգոստոսի 30-ին տեղի ունեցավ Սարիղամիշի բազմահազարանոց կայա-
զորի տարբեր զորամասերի բանակային կոմիտեների և Զինվորների ու բան-
վորների պատգամավորների սովետի միացյալ նիստը, որը քննարկեց կոռնի-

¹ Սեպտեմբերին Սարիղամիշի բոլշևիկների թիվը կազմում էր 300 հոգի, նոյեմբերին այն
հասավ 1500-ի:

լուվյան խոռվության հարցը², նշվեց, որ «ընդհուպ մինչև դինված ելույթը», Սարիղամիշի կայապետը սլատրաստ է մարտնչելու ընդդեմ հակահեղափոխության: Որոշվեց պորամասերում և Սարիղամիշի շրջանում հաստատել «հեղափոխական կարգապահություն», որի նպատակն էր «չթուլատրել հակահեղափոխական ելույթներ»: Բոլշևիկների պահանջով ընդունված բանաձևը առաջադրում էր մի շարք կարևորագույն միջոցառումների անհապաղ իրագործում: 'Իրանք էին. ուսման-դաշտային դատարանին հանձնել Կոռնիլովին և նրա կողմնակիցներին, իրագործել հրամանատարական կազմի վճռական զտում, խոռվության մասնակիցներին ոչ թե արտաքսել երկրից, այլ անսպասան հանձնել դատարանին, Պետական դումայի և Պետական խորհրդի, հակահեղափոխության այդ գլխավոր որջերի «ոչնչացում», «կաստայական» այնպիսի կազմակերպությունների վերացում, ինչպիսիք էին Սպաների և Գյորգեյան կալվելներնների միությունները: Պահանջվում էր դատի տալ սահարյուրյակային այդ միությունները ստեղծողներին: Բանաձևը միաժամանակ պահանջում էր ծածկա բանվորական օրվա վերաբերյալ դեկրետի ընդունում, ագրարային հարցի լուծման ուղղությամբ միջոցառումների կիրառում, արտադրության և բաշխման նկատմամբ վերահսկողության սահմանում, բուրժուազիայի շահույթները կծկող պրոգրեսիվ եկամտահարկի կիրառում, դատարանի վերակազմում և դեմոկրատացում, ժամանակին Սահմանադիր ժողովի հրավիրում, խոսքի, ժողովների և մամուլի լիակատար ազատություն և այլն: Արտաքին քաղաքական հարցերում դրվում էր առանց անկասկածների և կոնտրիբուցիաների հաշտություն կնքելու, պատերազմին վերջ տալու պահանջները:

Էսեռներն ու մենշևիկները, որոնք նույնպես մասնակցում էին այդ ժողովին, ընդունակ չգտնվեցին մերժելու բոլշևիկների վերոհիշյալ արմատական պահանջները, որոնք բխում էին զինվորական մասսաների կենսական շահերից. նրանց, սակայն, հաջողվեց արձանագրել, որ Կոռնիլովչինան ուղղված է ոչ թե ընդհանրապես հեղափոխության դեմ, ինչպես հարցը դնում էին բոլշևիկները, այլ «ժամանակավոր կառավարության դեմ»: Բանաձևում «լիակատար վստահություն» հայտնվեց Կերենսկուն, Պետրոգրադի սովետի դործադիր կոմիտեին և «հակահեղափոխության դեմ պայքարի ղուխ անցած ժամանակավոր կառավարությանը»³:

Կոռնիլովչինայից հետո էլ բուրժուազիայի հետ էսեռների ու մենշևիկների շարունակվող համագործակցությունը խորին դաշտայնությամբ ընդունվեց դիտակից զինվորների, տեղական ավելի քան 300 բոլշևիկների կողմից: Բոլշևիկները չէին կարող համագործակցել այն ուժերի հետ, որոնք կամա թիակամա նախապատրաստեցին Կոռնիլովչինան և որոնք գրեթե ոչինչ չէին սովորել հեղափոխության, հանրապետական կարգերի դեմ միապետական-դեմոկրատական ուժերի ապստամբությունից: Սակայն միանգամից էսեռների և մենշևիկների հետ կապերի խզումը կարող էր չհասկացվել դեռևս էսեռների ազդեցության տակ գտնվող զինվորների կողմից, որոնք Ֆոոսսուսի վերջերին և սեպտեմբերի սկզբներին Սարիղամիշում մեծամասնություն էին կազմում: Անհրաժեշտ էր շարունակել խելացի քաղաքական կոմպրոմիսը՝ հանուն դինվորական մասսաների նվաճման: Բոլշևիկների այդ տակտիկական դուզակցվում էր

2 Տե՛ս «Социал-демократ», Սարիղամիշ, 6 սեպտեմբերի, 1917, № 1:

3 Նույն տեղում:

միանգամայն ինկոնուրոյն քաղաքական գծի պահպանման ու խորացման հետ։ Զինվորների շրջանում տարվող բոլշևիկյան աշխատանքի գլխավոր մեթոդը շարունակում էր մնալ նրանց համար դասախոսությունների, զրույցների կազմակերպումը։ Սարիղամիշի բոլշևիկների օրգան «Социал-демократ» թերթում կարելի էր կարդալ այսպիսի հայտարարություն։ «Ծրեքշաբթի օրը, սեպտեմբերի 12-ին, Ղինվորական ակումբում ընկ. Ս. Ալավերդյանը կկարդա դասախոսություն. «Ընթացիկ մոմենտը և հեղափոխական ղեմավարության խնդիրները»⁴։ Այդպիսի դասախոսություններով հանդես էին գալիս նաև մյուս բոլշևիկները։ Սակայն տեղի ունեցող իրադարձությունները մի խումբ բոլշևիկների ջանքերով ներկայացնելը բազմահազարանոց կայազորին և ռազմականունիկացիոն այդ կարևորագույն հանգույցով անցնող զորամասերին խիստ դժվար էր։ Այդ պատճառով էլ հրկրամասի և տեղական բոլշևիկյան կազմակերպությունների առաջ անհետաձգելի հարց ծառացավ, այն է՝ Սարիղամիշում ռուսերին լեզվով հրատարակել բոլշևիկյան թերթ, որը կուսակցության կենտրոնական և կոմկառյան մամուլի օրգանների ու գրականության լայնորեն տարածմանը պոզրեթաց կպարպարաներ իրադարձությունների ընթացքը՝ հատուկ ուշադրություն նվիրելով Սարիղամիշի շրջանի իրադարձություններին։ Չունենալով նյութական անհրաժեշտ միջոցներ, բոլշևիկները սեպտեմբերի սկզբներին հասան այն բանին, որ էսեռա-մենշևիկյան մեծամասնություն ունեցող Սարիղամիշի սովետի տպարանում, այդ սովետի օրգան «Известия...»-ին զուգահեռ, հրատարակվեց բոլշևիկյան «Социал-демократ» թերթը⁵։

«Ինտերնացիոնալի դրոշմ, որպես միջազգային պրոլետարիատի դրոշմ, որը մասսաներին տանում է դեպի սոցիալիզմ — ահա մեր օրգանի ուղեցույց աստղը», — ազդարարում էին բոլշևիկները «Սոցիալ-դեմոկրատ»-ի առաջին համարի առաջնորդողում։ Նրանում պարզաբանվում էր պատմական դժվարին ժամանակաշրջանը և այդ պայմաններում բոլշևիկների անխիթնները։ «Հենց այն ժամանակ, երբ հեղափոխական Ռուսաստանը ասլում է ծանր փորձություններ, — ասվում էր առաջնորդողում, — երբ հեղափոխության թշնամիները, նրա բացահայտ և բողոքական զերեզմանափորները, անամոթաբար ջրի երեսին հանել իրենց ողջ հակահեղափոխական էությունը, երբ երկրում ամեն օր բացահայտվում են... հակահեղափոխական դավադրություններ, երբ կաղետական կուսակցության կողմից ղեկավարվող հակահեղափոխական բուրժուազիան, ձգվելով դեպի նեղուցներն ու Կոստանդնուպոլիս, առանց ամոթի և բացահայտորեն հանդես է գալիս ընդդեմ հեղափոխության, երբ պարենային-ֆինանսական քայքայումը, ինչպես դամոկլյան սուր, կախվել է մեր հրկրի վրա, — մենք լույս ենք ընծայում մեր «Սոցիալ-դեմոկրատ» թերթի առաջին համարը»։

Թերթը նշում էր այն պատասխանատվությունը, որը պատմության բեկումնային դարաշրջանում ընկած էր «պրոլետարիատի և աշխատավոր գյուղացիության կուսակցության վրա, որպես հեղափոխական շարժման ավան-

⁴ Նույն տեղում։

⁵ Թերթի երկու համարները պահպանվում են ՍՍՀՄ հեղափոխության թանգարանում (տե՛ս № 49014)։ Այդ համարների ֆոտո-պատճենները մեզ հոժարակամ տրամադրել է պատմ. գիտ. դոկտոր ընկ. Խ. Բարսեղյանը։ Տե՛ս նաև «Րանրեր Հայաստանի արխիվներին» 1964 թ. № 2-ը, ուր Խ. Բարսեղյանի առաջարկով հրապարակված է թերթի նյութերի մի մասը։

զարդի»։ Ողջունելով Սարիղամիշի բանվորներին ու զինվորներին հեղափոխության կիսամյակի առթիվ, թերթը գրում էր. «մենք ոչ մի բույս չենք կորցնում այն բանի հույսը, որ հեղափոխական պրոլետարիատը և բանակը ... իրենց մեջ ուժ կգտնեն... հզոր կազմակերպություններով դեմ կանգնելու բոլոր նրանց, ովքեր կհանդգնեն հարձակվել ռուսական հեղափոխության նվաճումների վրա»։ Բոլշևիկները թերթում շարադրում էին բոլոր այն արմատական պահանջները, որոնց լուծման անհրաժեշտությունը գրվում էր հեղափոխության զարգացման տրամաբանությամբ։ Դա վերաբերում էր և՛ ներքին, և արտաքին քաղաքականությանը։ Հասկանալի է, որ հարցերի անսքող շարադրումը չէին կարող ընդունել իրենց «հեղափոխական դեմոկրատիայի» կուսակցություններ կոչող էսեռներն ու մենշևիկները։ Այդ պատճառով էլ, թերթի առաջին համարը լույս տեսնելուց հետո, էսեռները զգացին, որ հետևողական բոլշևիզմի այդ մարտական օրգանը զինվորական շրջաններում խարխում է իրենց ոտքի տակի հողը։ Սարիղամիշի բոլշևիկների դեմ ստեղծվում է ռեակցիոն հրամանատարության, բանակի էսեռական Երկրային սովետի և տեղական համաձայնողական ուժերի միասնական դաշինք։ Նույն այս ժամանակաշրջանին է համընկնում կովկասյան ռազմական օկրուգի շտաբի սեպտեմբերյան ամփոփագիրը, ուր տազնապուժ նշվում է, որ «Սարիղամիշում շատ բոլշևիկներ կան»⁶, որ «Սարիղամիշում... նկատվում է բոլշևիկների ազդեցություն»⁷ և այլն։

Ահաբեկված բոլշևիկների գործունեության ակտիվացումից, բանակի հրամանատարության ու Երկրային սովետի հավանությամբ, նրանց իսկ թելադրանքով, էսեռա-մենշևիկյան սովետը դործնականում արգելեց բոլշևիկյան թերթի հրատարակումը։

Բոլշևիկյան մամուլի նկատմամբ կիրառվող հալածանքի և նյութական ծանր պայմաններում, մոտ մեկ ամիս հետո, հոկտեմբերի 8-ին, լույս տեսավ «Սոցիալ-դեմոկրատ»-ի 2-րդ համարը, սակայն այս անգամ արդեն ոչ թե Սարիղամիշում, այլ մի այլ վայրում, որը զադտնի էր պահվում⁸։ Ցարիզմի տապալումից վեց-յոթ ամիս հետո Սարիղամիշի բոլշևիկյան օրգանին վիճակված էր նույն այն ճակատագիրը, ինչ բոլշևիկյան մամուլին ցարիզմի մղձավանջային ժամանակներում։ Երկրորդ համարի, «Խմբագրության կողմից» հաղորդագրության մեջ թերթը գրում էր, որ ՌՍԴԲԿ Սարիղամիշի բյուրոյի միջոցով յուրաքանչյուր օր տարածվում է մարքսիստական ուղղության հաղարից ավելի օրինակ թերթի։ Այդ վերաբերում էր մասնավորապես «Պրավդա» և «Կավկասկի ուարոչի» թերթերին։ Նույն այդ շրջանում «Կավկասկի ուարոչի»-ում կարելի էր կարդալ, որ կովկասյան բոլշևիկների օրգանը Սարիղամիշում «ստանում և վաճառում են բացահայտորեն»⁹։ Չնայած այդ ամենին, «Սոցիալ-դեմոկրատ»-ում նշվում էր, որ «շատ կարևոր է մեծ թվով զինվորներ և բանվորներ ունեցող Սարիղամիշում ունենալ սեփական օրգան։ «Պրոլետարիատի և աշխատավոր դյուղացիության օրգանը, — շարունակում էր թերթը, — գոյություն կունենա բոլոր պայմաններում, եթե միայն նա աջակցություն գտնի ժո-

⁶ ԿՊՌՊԱ, ֆ. 1300, ց. 1, դ. 55, թ. 352։

⁷ Նույն տեղում, թ. 368։

⁸ Մենք կարծում ենք, որ «Սոցիալ-դեմոկրատ»-ի 2-րդ համարը լույս է տեսել Ալեքսանդրոպոլում, «Պրավդա ժիզնի» բոլշևիկյան թերթի տպարանում։

⁹ Տե՛ս «Կավկասկի ուարոչի», № 180, 22 հոկտեմբերի։

դավրդակա՛ն լայն մասսաների մեջ: Ինչպիսի արգելքներ էլ որ հանդիպեն, մենք չենք թույլ տա մարելու մեր «Սոցիալ-դեմոկրատ»-ին: Մեր բարեկամ բնթևը ընկեր ղինվորներն ու բանվորները, որոնք ամեն օր տասնյակներով դիմում են մեր խմբագրությանը՝ խնդրելով մեր թերթի հերթական համարը, մենք նախազգուշացնում ենք, որ երկրորդ և մնացած համարները¹⁰ կհրատարակվեն ոչ Սարիղամիշում: Թող ընկեր բանվորներն ու ղինվորներն իմանան, որ մաքուր մարքսիզմի տեսակետը պաշտպանող և հետևողականորեն, առանց տատանման պրոլետարիատի և գյուղական շրջավորության շահերը պաշտպանող թերթը, Ռուսաստանի համար ներկա ծանր մոմենտին, լռել չի կարող: Մենք դիտենք, որ այլ քաղաքում մեր սարիղամիշյան օրգանի տպագրությունը կուղեկցվի մեծ դժվարություններով և անհարմարություններով, բայց ոչ մի բանի չնայելով, մենք կհաղթահարենք այդ ամենը հանուն գոյության «Սոցիալ-դեմոկրատ»-ի, որը մասսաներին առաջնորդում է դեպի ինտերնացիոնալի վերականգնումը և սոցիալիզմի հաղթանակը»¹¹:

Թերթի մեր ձեռքի տակ եղած համարներն էլ բավական են պատկերացնելու համար այն հերոսական աշխատանքը, որ տանում էին Սարիղամիշի բոլշևիկները՝ հանուն ղինվորական մասսաների բոլշևիկացման, հանուն ռեակցիայի և համաձայնողականության մերկացման:

Առաջին համարի նյութերից հատկապես ուշագրավ է Ստ. Ալավերդյանի («Старий Трофим») «Ինտերնացիոնալը, համաշխարհային պատերազմը և ռուսական հեղափոխությունը» հոդվածը, ուր մերկացնելով համաձայնողական կուսակցությունների դավաճանությունը, նացիոնալիզմի ու շովինիզմի նրանց քաղաքականությունը, հեղինակը աշխատավորներին էր դիմում մարքսյան «Պրոլետարներ բոլոր երկրների, միացե՛ք» նշանաբանով, պրոլետարական ինտերնացիոնալիզմը ներկայացնելով որպես կապիտալիզմի լծից աշխատավորների ազատագրական պայքարի միակ ռեալ երաշխիքը: Ալավերդյանը սերտ կապ էր տեսնում մի կողմից էսենների ու մենշևիկների, իսկ մյուս կողմից՝ կադետների հակահեղափոխական գործունեության միջև, որի ուղղակի արդյունքը հանդիսացավ կոռնիլովշիևան: Նա գրում էր, որ ցարիզմը տապալելուց հետո «բախտի քմահաճույքով հեղափոխության գլուխ կանգնեցին պաշտպանողականների քաղաքականապես միամիտ խմբերը և հակահեղափոխական բուրժուազիան. առաջինները, վախենալով պրոլետարիատի վճռական հեղափոխական գործողություններից, գերադասեցին կտրել կապերը նրա հեղափոխական մասից և համաձայնության մեջ մտնել բուրժուազիայի հետ. վերջինը, այսինքն բուրժուազիան, ցանկանալով ամեն ղնով թաղել հեղափոխությունը, անգամ ռադմաճակատում պարտությունների գնով (համաշխարհային բուրժուազիան միշտ կարող է ղիջել մեկը մյուսին), ժամանակ առ ժամանակ քողարկվելով կարմիր վարդակապով, պատրաստում էր հակահեղափոխություն»¹²:

Ալավերդյանը պաշտպանողական և բուրժուական գործիչների «կործանարար գործունեությունը» դիտում էր որպես մի երկար շղթա, որը ձգվում էր ցարիզմի տապալումից մինչև կոռնիլովշիևան: Այդ շղթայի գլխավոր օղակ-

¹⁰ Մինչև այժմ հայտնի են «Սոցիալ-դեմոկրատ»-ի 2 համար: Մյուս համարները ղեռնա հայտնաբերված չեն, կամ, որ ավելի հավանական է, լույս չեն տեսել:

¹¹ «Социал-демократ», № 1.

¹² Նույն տեղում:

ներն էրն. «կոալիցիան և համբույրները բուրժուազիայի հետ, բուլշևիկների և ընդհանրապես ինտերնացիոնալիստների հալածանքը, հարձակումը ռազմա-ճակատում ի շահ «դաշնակիցների» և նրա կապիտալի...», բացահայտ պատե-րազմի հայտարարումը հեղափոխական պրոլետարիատին, բուլշևիկների ու ինտերնացիոնալիստների ձերբակալությունները և ձախ մամուլի ջախջախումը, ռազմաճակատում մահապատիժ մտցնելը և հեղափոխական զեղերի ու բա-նակային կոմիտեների հալածանքը, հակահեղափոխության բանդայի հետ Ռուսաստանի բոլոր կենդանի ղեկների մոսկովյան խորհրդակցությունը, Կոռնիլովի պատվին կազմակերպված կառնաժամյունները և այլն: Իրև հետևանք պաշտպանողականների և բուրժուազիայի վերը թվարկած բոլոր գործողու-թյունների, մենք ստացանք լիովին կազմակերպված հակահեղափոխու-թյուն...»¹³:

Խորապես մտահոգված հեղափոխության ճակատագրով, Ալավերդյանը դիմում էր գինյվորներին, բանվորներին, գյուղացիներին՝ հանդես գալու միաս-նական, եռանդուն գործողություններով, թույլ չտալ, որպեսզի կործանվի վտանգի մեջ գտնվող հեղափոխությունը, որպեսզի նորից չգործեն կախաղան-ները, բանտերն ու ուբորբու: «Աշխատավորների, Սիբիրում տառապած աղա-տությունների բոլոր մարտիկների հույսը ձեր վրա է, — գրում էր նա: — Թող անց-յալի սխալները դադար փորձ ծառայեն մեր հեղափոխական գործողություն-ների համար»: Նա կոչ էր անում համախմբվել հեղափոխական կազմակերպու-թյունների շուրջը, «վերցնել ինտերնացիոնալի կարմիր դրոշը, պրոլետարական հզոր քանակով զենքը գրոհի ընդդեմ հակահեղափոխության»¹⁴:

Թերթի նույն այդ համարում տպագրված էր բուլշևիկ գինյվոր Խրիստո Խիրչիևի «Կաղնատների հակահեղափոխական հարձակումները» հոդվածը, ուր պարզաբանվում էր այդ կուսակցության հակաժողովրդական էությունը, մեր-կացվում էր հաղթական իմպերիալիստական պատերազմի, պետական խորհրդ-դակցությունում նրա գործունեության, Սահմանադիր ժողովը ձգձգելու վերա-բերյալ նրա վարքագծի ողջ հակահեղափոխական իմաստը: Զինվորը գրում էր, որ եթե 1905 թ. այդ կուսակցությունը պաշտպանություն էր դտնում ցարիզմի կողմից, ապա այժմ նա հենվում է մոթ ուժերի վրա՝ հանձինս ռազմական կլիկների, ձգտելով ճնշել ռուսական հեղափոխությունը, համաշխարհային հեղափոխության նախադուշակը: Բայց կաղնատների ապաստանը այժմ անհու-սալի է: Ապաստանի դավադիրները ձերբակալված են¹⁵: Պահանջվում էր վճռա-կան հարված հասցնել հակահեղափոխության բոլոր ուժերին, այսպես «այդ ուժերի նոր ելույթները անխուսափելի են»¹⁶:

«Սոցիալ-դեմոկրատ»-ում նյութեր են տպագրվել սեպտեմբերի 16-ին և 29-ին տեղի ունեցած ժողովների վերաբերյալ: Զինվորական տեղական ահում-բում բուլշևիկները սեպտեմբերի 16-ին կազմակերպել էին հերթական դասա-խոսություն՝ նվիրված ընթացիկ մոմենտին: Զինվորների, բանվորների և տե-ղական հեղափոխական ինտելիգենցիայի առաջ դասախոսությամբ հանդես է եկել Ստ. Ալավերդյանը: Ինչպես նշում է թերթը, իր հանդամանալից դասա-խոսության մեջ նա «պարզորոշ և պատկերավոր կերպով լուսարանեց պաշտ-

13 Նույն տեղում:

14 Նույն տեղում:

15 Նույն տեղում:

16 Նույն տեղում:

սյանողականների համաձայնողական ու անվճռական քաղաքականության ողջ սխալն ու կործանարար լինելը», միաժամանակ նշելով, որ սեղանը և գյուղական շքավորությունը վեցամսյա հեղափոխական պայքարում լիովին որոշակի են դարձել և սկսել են սահմանափակվել պաշտպանողականների մանրրութունական ազդեցությունից»¹⁷։ Նշվում էր, որ այսպես կոչված հեղափոխական-դեմոկրատական կազմակերպությունների մեծամասնությունը բոլորովին չի համապատասխանում իր ընտրողների տրամադրությանն ու գիտակցությանը և որ էսեռներն ու մենշևիկները հանդիսանում են «բռնադատիչներ»։ Բուլշևիկ հոկտերի դեմ հանդես եկավ մենշևիկ Գուրգարյանը, որը փորձում էր «հիմնավորել», որ «բուլշևիկները առաջ են վաղում» իրադարձություններից, որ «մենշևիկները ճիշտ ժամանակին են դնում քաղաքական դիագնոզները»¹⁸։ Լսարանը «պայքարային ընդունեց» նաև էսեռ ընդդիմախոսին։ Փաղափարական սուր պայքարի միջոցով էսեռներին ու մենշևիկներին անհրաժեշտ հակահարված հասցրին բուլշևիկները։ Հանդես եկան Ի. Կիասովը և Ստ. Ալավերդյանը։ Վերջինիս ելույթից հետո մասին ինֆորմացիայում նշվում է, որ «դասախոսը միանգամայն քաղաքավարի և սպառնչի պատասխանեց իր ընդդիմախոսին, որով հարուցեց լսարանի բուռն ծափերը»¹⁹։

Քերթի նյութներից տեղեկանում ենք, որ գինվորների ու բանվորների համար ընթացիկ մոմենտին նվիրված դասախոսություն է կարդացվել նաև սեպտեմբերի 29-ին։ Դոգովը լսելով Ալավերդյանի դասախոսությունը, միաձայն բուլշևիկյան բանաձև է ընդունել՝ դատապարտելով համաձայնողականությունը հակահեղափոխական բուրժուազիայի հետ, մի բան, որը «երկիրը և հեղափոխությունը հասցրել է կործանման հորին»²⁰։ Բանաձևը վճռականորեն պահանջում էր. «զադտնի պայմանագրերի անհապաղ հրապարակում, հաշտության կնքում, հրամանատարական կադմի զտում և բանակի լիակատար դեմոկրատացում, մահապատժի վերացում, մինչև Սահմանադիր ժողովի հրավերումը հողը գյուղացիությանը հանձնել, բանտերում գտնվող բուլշևիկների շուտափույթ ազատ արձակում, մամուլի լիակատար ազատություն, առանց ձգձգման Սահմանադիր ժողովի հրավերում և այլն»։

Հոկտեմբերի սկզբներին նոր ուժով էր հնչում Ալավերդյանի մերկացնող խոսքը կադետական բուրժուազիայի և նրա պոլից քարշ ճկող էսեռ-մենշևիկյան համաձայնողականության հասցիին²¹։ Քննադատելով փետրվարից ի վեր ստեղծված կոալիցիոն բոլոր կառավարությունների անվճռականությունը, այն, որ նրանք չկարողացան «ամուսնացնել շարժել երկրի դրությունը», որ այդ ամենը բացահայտեցին «բուրժուազիայի հետ համաձայնողականության կործանարարությունը», Ալավերդյանը առանձնակի սրությամբ էր քննադատում նաև «գեղջկական» («МВЖИЛКНИ») միևիստր էսեռ Չերնովին, որի նախագծերից «ոչինչ չերմացնող» բան չէր ստացել աշխատավոր գյուղացին։ Էսեռականության քննադատությունը Սարիղամիշում և ընդհանրապես կովկասյան բանակում առանձնակի կարևորություն ունեցավ Գյուղացիական բանակի ղեկավար մասը հավատում էր շերտիների անբան խոսակցություններին և պասսիվ

17 Նույն տեղում, № 2, 8 հոկտեմբերի։

18 Նույն տեղում։

19 Նույն տեղում։

20 Նույն տեղում։

21 Տե՛ս նույն տեղում, Ս. Ալավերդյանի «Սարիղամիշ, 8-ը հոկտեմբերի» հոդվածը։

դիրք էր բռնում վճռական գործողությունների հարցում: Ահա թե ինչու և՛ Ալավերդյանը, և՛ Սարիղամիշի մյուս աչքի ընկնող բոլշևիկները մեծ կարևորություն էին տալիս էսեռականության, մասնավորապես նրանց առաջնորդների ծրագրերի քննադատությանը, այդ ծրագրերը դիտելով նրանց համաձայնողական տակտիկայի, գործելակերպի ընդհանուր համայնապատկերի վրա, որպես շահակրատակուն սոցիալիզմի մի օղակը:

Ալավերդյանը բացահայտում էր կոռնիլովշչինայից հետո մասսաներին խաբելու էսեռա-մենշևիկյան նոր հնարանքի՝ Պետրոգրադի «Դեմոկրատական խորհրդակցության» դասակարգային էությունը, նշում, որ այն ի վիճակի չեղավ լրջորեն դնելու երկրի առաջ կանգնած կենսական խնդիրներ, մասնավորապես ուժեղ, վստահելի հեղափոխական իշխանության ստեղծման ունակ ուղիները: Դրա պատճառն այն էր, որ, ինչպես դիպուկ նկատում էր նա, «հիմնովին ջրիկացած մանրբուրժուական կազմակերպությունների ներկայացուցիչներով, նա («Դեմոկրատական խորհրդակցությունը» — Հ. Մ.) կանգնեց համաձայնողականության, կոմպրոմիսների ուղու վրա, որոնք խստորեն դատապարտվել են ուսական հեղափոխության վեցամսյա ժամանակաընթացքով»²²: Ալավերդյանը մարքսիստ տեսաբանի և պրակտիկ բոլշևիկ գործչի սուր դիտողականությամբ դատապարտում էր հակահեղափոխական բուրժուազիայի և համաձայնողական կուսակցությունների այդ «նոր» «պատմական էքսպերիմենտը», որի նպատակն էր վարկաբեկված միլյուկովների, ոռոճյանկոների հետ կռաւիցիան փոխարինել բուրժուականների, տերեւչենկոների և նեկրասովների կռաւիցիայով: «Մեզ համար, մարքսիստներիս համար, — գրում էր Ալավերդյանը — այս կամ այն անհատը չի դեր խաղում. մեզ համար կարևոր է իմանալ, թե այս կամ այն անհատը ո՞ր հասարակական դասակարգի գաղափարախոսն է: Այդ տեսակետից մեզ համար բուրժուականներն ու տերեւչենկոները նույնպես հակահեղափոխականներ են, ինչպես միլյուկովներն ու ոռոճյանկոները, միայն այն տարբերությամբ, որ առաջինները իրենց կերպարանքը ցույց են տվել վաղուց, իսկ մյուսները ավելի ուշ»²³:

Ալավերդյանը նկատում էր, որ ինչպես կենտրոնում, այնպես էլ պրովինցիայում բոլշևիկները, պահանջելով ստեղծել ուժեղ հեղափոխական կառավարություն, դնում էին այդ իշխանությունը սովետներին հանձնելու խնդիրը: Նրանք լավ էին հասկանում, որ հեղափոխության հաղթանակի գործում վճռական նշանակություն ունեն մայրաքաղաքում, հեղափոխության առաջնակարգ օջախներում իշխանությունը արդեն բոլշևիկացած սովետներին անցնելու: Ահա թե ինչու կովկասյան համաձայնողականությունը դիմադրում, թշնամանքով էր ընդունում բոլշևիկների՝ «Ամբողջ իշխանությունը Սովետներին» նոր լոզունգը: Ըստ էության, Անդրկովկասում այդ լոզունգը ևս նշանակում էր իշխանությունը բոլշևիկներին հանձնելու պահանջ: Իշխանության նվաճման հարցում չէր կարելի պրովինցիան բաժանել կենտրոնից: Կենտրոնում իշխանությունը բոլշևիկներին անցնելու դեպքում, եթե տեղում ճիշտ տակտիկա կիրառվեր, ասյա սովետական իշխանությունը կհաղթանակեր նաև պրովինցիայում: Այդ պարզ տրամաբանությունը հասկացան և՛ բոլշևիկները, և՛ նրանց թշնամիները: Միանգամայն ճիշտ էր գրում Ալավերդյանը, որ միայն սովետական

²² Նույն տեղում:

²³ Նույն տեղում:

իշխանությունը «կարող է փրկել երկիրը և հեղափոխությունը կործանումից»²⁴։

Հոկտեմբերի սկզբներին Սարիղամիշի բոլշևիկները շարունակում էին մերկացնել հակահեղափոխության նոր փորձերը երկրում և զինվորական մասսաներին պարզաբանում այդ փորձերի ճակատագրական սպառնալիքը։ Առանձնակի ուշադրություն է գրավում «Սոցիալ-դեմոկրատ»-ում Ի. Կիասուվի «Կոռնիլովշինան դեռևս չի լիկվիդացված» հոդվածը²⁵։ Նա գինվորներին պուշացնում էր, որ «հակահեղափոխության ուրվականը դեռևս թևածում է», որ պատահական չէ այն հաստատված իրողությունը, որ կոռնիլովշինայի ոգեշնչողը հանդիսացան բուրժուական ռեակցիոն գործիչ Գուչկովը և «ռուսական հեղափոխության առաջնորդ» Կերենսկին։ Պատմության այդ դառը դասը շատ բան պետք է ասի հեղափոխական զինվորներին ու բանվորներին։ Այդ նշանակում էր, որ հակահեղափոխական այդ ուժերը լուել չէին կարող, որ նրանք նորից կփորձեն խեղդել հեղափոխությունը, խեղդել բոլշևիզմը։ Այդ էր վկայում համաձայնողական աջ գործիչների պահանջը՝ համատեղ գործելու «հակահեղափոխական ուժակի» հետ, «արյունով ու երկաթով» պայքարել ձախից եկող «անաբխիայի» բոլշևիզմի դեմ։ Դիմելով համաձայնողական գործիչներին Կիասուվը գրում էր. «Եթե դուք չեք ցանկանում, որպեսզի հեղափոխության ալիքը ձեզ վերջնականապես նետի ծանծաղուտը... ապա հենց այժմ խզեք ձեր կապերը հակահեղափոխական բուրժուազիայից, տառապած երկրի վրա փորձեք միք անի, մտարերեցեք ձեր կողմից մոռացված Ինտերնացիոնալը, և հենվելով հեղափոխական պրոլետարիատի ու զորքերի վրա, Ինտերնացիոնալի իսկական ներկայացուցիչների հետ մեկտեղ վճռական պատերազմ հայտարարեք ռուսական բուրժուական հակահեղափոխությանը և համաշխարհային իմպերիալիզմին... Իսկ քանի դեռ դուք այդ բանը չեք արել ու չեք անի, սարսափելի քաղաքացիական պատերազմի ուրվականը կշրջի մեր վրա։

Միք հանգստանա Կոռնիլովի ձախողմամբ։ Կոռնիլովշինան դեռ ապրում է, իշխանությունը դեռ նրա ոգեշնչողների ձեռքումն է... Վերջին խոսքը ձեզ է պատկանում, քանի դեռ ուշ չէ»²⁶։

Սարիղամիշի բոլշևիկները, ինչպես և ողջ կուսակցությունը, մեծ նշանակություն էին տալիս Սաֆմանադիւր ժողովի ընտրությունների արդեն սկսված կամպանիային։ Բոլշևիկների համար այն ոչ թե նպատակ էր, այլ միջոց հաղթական պրոլետարական հեղափոխության ճանապարհին։ Այդ նկատառմաներով էլ այստեղ ևս բոլշևիկները լայնորեն ներգրավվեցին նախընտրական կամպանիայի մեջ։ Ժողովներում, միտինգներում և «Սոցիալ-դեմոկրատ»-ի էջերում բոլշևիկները մեծ ուշադրություն նվիրեցին ժամանակի այդ կարևոր իրադարձություններից մեկին։ Թերթի 1-ին համարում, բոլշևիկյան կազմակերպությունը «Դեպի Սահմանադիր ժողով» իր կոչի մեջ նշում էր, որ հեղափոխական զինվորների և բանվորների ողջ եռանդը գործի է դրվում սկսված հեղափոխությունը մինչև հաղթական վախճանի հասցնելու համար։ «Կեցցե Սահմանադիր ժողովը» լողունգը, որը առաջադրեց հեղափոխությունը ցարիզմի տապալումից անմիջապես հետո ընդհանուր, հավասար և զաղտնի ընտրությունների

24 Նույն տեղում։

25 Տե՛ս «Սոցիալ-դեմոկրատ» № 2, 6 հոկտեմբերի։

26 Նույն տեղում։

հիման վրա սպետք է ամրաստել հեղափոխական ղեմավարության նվաճումներն և լուծի պրոլետարիատի ու աշխատավոր ղեմավարության ցավոտ ու նրանց համար թանկագին հարցերը²⁷։ Մերկացվում էր բուրժուազիայի մտադրությունը՝ ձգձգելու Սահմանադիր ժողովի հրավերումը։ Ոչ մի հետաձգում, որին նույնպես հռչակում է հասնել հակահեղափոխական բուրժուազիան, տանել չի կարելի», — գրում էր թերթը։ Պահանջվում էր ծավալել միասնական ազդեցության և նյութական միջոցներով աջակցել նախընտրական կամպանիային։ Թերթը գրում էր, որ և՛ բուրժուական ու մանրբուրժուական կուսակցություններն այդ նպատակի համար յայնորեն օգտվում էին բանկերի, փողոցային տնտեսական բուրժուազիայի կողմից նրանց առատորեն ընծիծառ միջոցներից, այսպես թանկություններ, դիմումներն ու գյուղացիները այդ միջոցները իրենք սպառում էին հայթայթելով։ Եվ երբ կուսակցությունը, հեղափոխական ղեմավարության կուսակցությունը, կարող է հույսը դնել միայն ղեմավարության վրա²⁸, — գրում էին բոլշևիկները։

Սարիգամիշի բոլշևիկների բյուրոն սկսում է նախընտրական կամպանիան։ Ընտրական կամպանիայի բուրժուազիական շրջանում Սահմանադիր ժողովի մասին ընդարձակ հոգովածով հանդես եկավ բանակային աշխարհային բոլշևիկներից մեկը, Յա. Չերնյայսկին։ Պատմությունը, գրում էր նա, թողել է մի հիշողություն։ Պատմում են, որ հոգնած սովորական պալատներից, Երևանի տաճարի հանգիստի ձևեր, նեղակի ակնի սարքեր, և տալիս Սառցի տուն, որպեսզի այն տեղ շարունակի իր խառնաձևերը, եկել է զարուհի, տունը փլվել է և նեղակի հորդառատ ջրերը իրենց հետ տարել են թագավորական այդ սառցի զոյակը... Ռուսական ցարիզմի ողջ պատմությունը նման է այդ տան հետ կապված պատմությանը, եզրակացնում է հեղինակը։ Դարեր շարունակ աշխատավորների հառաչանքների, արյան ու բրտիների հալվին բեֆ են արել ցարերն ու իշխող զառանգարները։ Բայց ոչինչ հավերժ չէ։ Հավերժ չէր նաև ցարական մղձավանջը։ Եվ ահա, ճառագեց մարտյան արևը (փետրվարյան հեղափոխությունը — Հ. Մ.)։ Նրա ճառագայթները հալեցին սառույցը և սառցի տնակը փլվեց զարնանային ջրերի մեջ, նրա փլատակների տակ առնելով բեֆ անոցների²⁹։

1905 թ. ցնցեց, խաբույեց ռուսներին զահր։ 1917 թ. սրբեց տարավ նրան, ով տուր էր, թե ժողովուրդի այդ ևս էմ, տարավ նրանց, ովքեր հաջի փոխարեն ժողովրդին ղեկավարում էին կերակրում։ Եվստեմ կամբին» ապավինած ցարերը նահանգների ժողովրդի կամբի առաջ։ Ռեալ և հնարավոր զարգացումներ 1905 թ. հեղափոխական ժողովրդի կողմից առաջադրված «կենսական հարցեր» Սահմանադիր ժողովի հրավերումը։ Ձիևություններն ու բանվորներին պարզաբանվում էր նախագծվող ռուսաստանյան առաջին ղեմավարական պառլամենտի էությունը, նպատակների, նրա ընտրությունների հետ կապված հարցերը։ Եթե Սահմանադիր տնտեսությունները ընդհանուր ընտրական իրավունքը ձևով էին բերել սոսնամյակների ղանդաղ պայքարի ղեկով, այսպես Ռուսաստանում այն ձևով բերվեց սոսնամյակական ճանապարհով — հաղթական ժողովրդական հեղափոխության միջոցով։ Հեղափոխությունը հնարավորություն

27 «Սոցիալ-դեմոկրատ», № 1։

28 Նույն տեղում։

29 Նույն տեղում, № 2։

էր ընձեռել նաև ընտրություններին մասնակցել՝ բոլոր զինվորականներին։ Բացառություն էին կազմում արտոնականներն ու բանտարկյալները։

Հեղափոխության կարևոր նվաճումն էր համարվում այն, որ ընտրելու և ընտրվելու իրավունքից զրկվում էին թագավորական տան բոլոր անդամները։ Բոլշևիկյան մամուլը պարզաբանում էր ցարական-դոմայական հին ընտրական սխտեմի ողջ հակաժողովրդական, կալվածատիրական-բուրժուական կառուցվածքի նողկալի արատները, նրան հակադրելով հավասար, ընդհանուր, ուղղակի, զաղտնի ընտրությունների մեծ նվաճումը, որը ղեմավրատական իրավունքների տեսակետից Ռուսաստանը կանգնեցնում էր աշխարհի առավել ղեմավրատիկ երկրների շարքը։

Ընտրական կարգի պարզաբանմանը զուգընթաց, մի բան, որը մեծ նշանակություն ուներ խավար, անզրադես բանակի համար, բոլշևիկները իրենց թերթում առավել կարևոր ուշադրություն էին նվիրում այն հարցին, թե ո՞ւմ, ո՞ր կուսակցության ներկայացուցչին պետք է ձայն տալ։ Բոլշևիկները զգուշացնում էին, որ զեպի ընտրությունները աշխատավորների ցուցաբերած անտարբերությունից կարող են օգտվել ժողովրդի թշնամիները։ «Լենհրաժեշտ է հիշել, որ ղեմավրատիայի ու աշխատավորների թշնամիները քնած շեն»³⁶, որ նրանք կաշխատեն մոլորեցնել զինվորներին, խլել նրանց ձայները և օգտագործել դրանք հինց իրենց զինվորների, այսինքն բանվորների ու զյուզացիների դեմ հանուն իմպերիալիստական պատերազմը շարունակելու, շահագործող դասակարգերին պաշտպանելու։

Սարիղամիշի բոլշևիկների հռանդուն գործունեությունը ուղեկցվում էր մանրբութական կուսակցությունների անողոր քննադատությամբ։ Կոռնիլովչիխայի ձախողման առաջին օրերին, Սարիղամիշի էսեռա-մենշևիկյան կազմակերպությունները, մի կողմից բաշվելով իրենց նախկին արարքներից, մյուս կողմից հաշվի առնելով բոլշևիկների հեղինակության արագ աճը, աշխատում էին բոլշևիկների հանդեպ զուսպ լինելու Սակայն այդպիսի դրությունը երկար շարունակվել չէր կարող։ էսեռների, մենշևիկների և դաշնակների դասակարգային շահերը նրանց ամեն օր, ամեն ժամ մղում էին ընդդեմ բոլշևիկների։ Այդ ավելի ցայտուն զգացվեց Պետրոգրադում ղեմավրատական խորհրդակցության հրավերումից հետո, երբ բոլշևիկները նոր ուժով մերկացրին համաձայնողական կուսակցությունների դավաճանությունը, նրանց «եռու» գործարքը բուրժուազիայի հետ։ Սարիղամիշի էսեռների օրդան «Земля и воля» թերթը, ղեմավրատական խորհրդակցությունից հետո, քննադատական կրակի տակ առավ բոլշևիկներին։ «Մարտնչող բոլշևիկներ,— գրում էր այդ թերթը,— նորից նյարդալնանում է, դուրս է գալիս իրենից, զայրանում է... ղեմավրատական խորհրդակցությունը շարդարացրեց նրա հույսերը... ղեմավրատական խորհրդակցությունը չի ցանկանում բոլշևիկներին դիկտատորներ պարձնել, ողջ հեղափոխական իշխանությունը նրանց ձեռքը հանձնել։ Այստեղից էլ սրտտ ու կայծակ, փոխորիկ և կեղտ մենշևիկների և սոց.-հեղափոխականների գլխին։ Եվ նրանք բարոյում են նոր հեղափոխություն ընդդեմ հեղափոխության... Այդ ի՞նչ է,— հարցնում էին էսեռները. մղձավանդային երազ, թե տպստամբություն ապոլոգետի խելազար գառանցանք։ Միթե՞ հուլիսյան

36. Նույն տեղում։

օրերի դասը մոռացվել է նրանց կողմից»³¹։ Ահա թե ինչպես. կոռնիլովյան խոսվությունից ընդամենը մի ամիս հետո, էսեռականությունը նորից հուլիսյան խորտվիրակով էր սպառնում բոլշևիկներին։ Սարիղամիշի բոլշևիկներն անպատասխան չէին կարող թողնել նման հայհոյանքներն ու սպառնալիքը իրենց և հեղափոխական մասսաների հասցեին։ «Սոցիալ-դեմոկրատ»-ը դրում էր, որ «երբ Պետրոգրադյան խորհրդակցությունից առաջ երկրային կենտրոնը հարցում արեց Սարիղամիշի սովետին՝ իշխանության հարցի առթիվ նրա վերաբերմունքի մասին, դուք, պարոն էսեռներ, մեր հետ միասին միաձայն քվեարկեցիք մեր բանաձևի օգտին, որը վերաբերվում էր ընդհանրապես բուրժուազիայի հետ կռաւիցիա չթույլատրելուն և իշխանությունը սովետներին հանձնելուն. իսկ այժմ խոսում եք ընդդեմ հեղափոխության, բոլշևիկների հեղափոխության մասին»։ Այդ ի՞նչ է կատարվում ձեր հետ պ. պ. էսեռներ, մղձավանջային երազ, թե շփոթված քաղաքական տհասի խելաղար դառանցանք»³²։

Հոգվածի հեղինակը, հավանաբար, Բ. Կիասովն է, որը զարմանք էր հայտնում այն բանի համար, որ էսեռները կարող են նորից այդպիս անսրող արտահայտել իրենց աստիությունը բոլշևիզմի նկատմամբ, չնեղվելով այն ամոթալի փաստից, որ նրանց շարքերում են դուրժում կոռնիլովյան օրերին մերկացված «մեծ» հեղափոխականներ Կերենսկին ու Սավինկովը։ Հեղափոխական մասսաների կողմից ճանաչված այդ անունները բավական են, — գրում էր նա, — որպեսզի խելքը չթոցրած քաղաքական դուրժամուկները ամաչեն ու լռեն ընդմիջում։ Քայց կյանքը ցույց էր տալիս, որ էսեռները լռել չէին կարող։ Համաձայնողական ճահճին սովոր «բաղբենիները» չէին կարող ընդառաջ դնալ արևին, ջինջ օդին ու լույսին... Ուստի բոլշևիկները գիտակցում, պարզ տեսնում էին, որ Սարիղամիշում ևս էսեռականության դեմ պայքարը թեկոսում է իր նոր, վճռական նշանակությամբ, որը պահանջում էր բոլոր ուժերի համընդհանուր մոբիլիզացիա։

էսեռներին սկսեցին ձայնակցել մենշևիկները, որոնք Սարիղամիշում թույլ գտնվելով, դեռևս բոլշևիկների հետ միասին մեկ միասնական սոցիալ-դեմոկրատական դրոշմով էին հանդես գալիս։ Բոլշևիկյան «Սոցիալ-դեմոկրատ»-ը անողորմաբար քննադատում էր Թիֆլիսի մենշևիկների կենտրոնական օրգան «Եօրեճա»-ին, որը իր № 116-ի «Ուղիղ ճանապարհ» առաջնորդողում քննադատելով բոլշևիկյան կուսակցության Կենտրոնական կոմիտեի օրդան «Ռաբոչի պուտ»-ի այն տեսակետը, թե պետք է հրաժարվել զարտուղի, նենդ ճանապարհներից և ընթանալ ուղիղ ճանապարհով, իշխանությունը հանձնել սովետներին և ստեղծել պրոլետարիատի դիկտատուրա, գրում էր, թե «բոլշևիկները միանգամայն գիտակցաբար ձգտում են մեկուսացնել պրոլետարիատին, անջատել նրան դեմոկրատիայից, վերջինին շարացնել ընդդեմ բանվորների»։ Մենշևիկներին, ինչպես և նրանց համախոհ էսեռներին հատուկ էր մանրրոյթության տատանումներն, այն դիժը, երբ «աջ ձեռքը տեղյակ չէր, թե ինչ է անում ձախը»։ Այդպիսի կտրուկ տատանումները, քաղաքական լաբախադաշտությունը, որը հատուկ էր ամենից առաջ նրանց լիդերն, Ժորդանիային, մի շարք անդամ արդեն իրեն ցույց էր տվել։ Թիֆլիսի սովետի վերա-

³¹ Նույն տեղում։

³² Նույն տեղում։

կանգնման պատմությունը, երկրորդ (մայիսյան) ժամանակավոր կառավարության նկատմամբ նրանց վարքագիծը, մերթնդմերթ բուլճերիկների նկատմամբ կիրառած վայրենի հալածանքը, կոռնիովշինայից հետո նոր «բարեկամական» շրջադարձը դեպի բուլճերիկները (Ժորդանիայի բանաձևը Թիֆլիսի սովետում սկստեմբերի 3-ին) և այլն, և այլն՝ վկայում էին այդ կուսակցության ու նրա պարագլուխների մերթ ամբոխավարական, մերթ ջարդարարական էությունը, «պատից պատ շարտվելու» նրանց անկայունությունը, մի բան, որ մայորեցնում էր աշխատավորների հետամնաց շերտերին, նրանց գերության մեջ պահում բուրժուական մեքենայություններին։ Հոգվածի հեղինակը դիպուկ հարց է տալիս, թե ինչու են մենշեիկներն այդպես ջանասիրաբար ձգտում «մանրրորժուական աղբով լցնելու» պրոլետարիատի ու բուրժուազիայի մեջ գոյություն ունեցող պատմական դասակարգային անդունդը» և ավելացնում, որ այդ բանը անիրագործելի ցանկություն է։ «Զգուշացեք,— գրում է թերթը՝ Հեղափոխության Ինտերոդ ալիքը առաջ է շարժվում, որը վերջնականապես կողողի և կմաքրի» էսեռա-մենշեիկյան ավզյան ախոռները³³։

Սարիղամիշում բուլճերիկները պայքարում էին բոլոր նրանց դեմ, ովքեր շարունակում էին բանակի քայքայումը բաղատրել «գինվորի վախկոտություն»՝ որով գինվորի անհաշիվ տառապանքներին գումարվում էր ևս մի նոր հոգեկան տառապանք։ Սկստեմբերի վերջերին գինվորների շրջանում տարածվել էր մի թերթիկ՝ Երանում գինվորը ինչի մեջ ասես, որ չէր մեղադրվում։ «Վախկոտ», «գավաճան», «հայրասպան» և նման բաներ։ «Ծհ ինչպես նողկալիորեն վախճում էիր դու, ռուս գինվոր,— բացականչում է կռչի հեղինակը, մատնանշելով հունիս-հուլիսյան հարձակման ձախողումը՝ ռադմաճականում։ Աշխարհը ոչ մի տեղ դեռ չի իմացել և երբեք էլ չի տեսել այդպիսի փախուստ, դավաճանների այդպիսի կուտակում։ Նա գիտեր մի Հուդայի, իսկ այստեղ տասնյակ հազարավոր հուդաներ...»³⁴ և նման բաներ։

Բուլճերիկներն անարգանքի սյունին էին դառնում բոլոր նրանց, ովքեր այդպես էին պատասխանում երեք տարի շարունակ դաժան պատերազմի բոցերի մեջ տառապած իսկական հայրենասեր գինվորին, որին «ամենավայրենի» ցարիզմն ու կալվածատերերի Ռուսաստանը պատմական այս կամ այն կտալում մղել էին նաև «հայրասպանության», «եղբայրասպանության» Դրանում մեղավորը ընկառությունն ու աղքատության մեջ մեծացած գինվորը չէր։ Նրան այդպես էին սովորեցրել ու դրան մղել «նիկոլական կազարմայի պետերը», բիրտ ու վայրենի ցարիզմը, պուրիշկեիշներն ու գուշկովները։ Իմպերիալիստական բուրժուազիան ու նրա գրչակները բնդունակ չէին հասկանալու, որ մեծ հեղափոխության զուրոցը կովիւ, վերադաստիարակել էր «ղարեր շարունակ ճնշված գինվորին», որ նա այժմ արդեն համաձայն չէր թնդանոթի միս դառնալու ի շահ իմպերիալիստական բուրժուազիայի, որ նրանց կամքով նա էլ չէր սպանի իր աշխատավոր եղբորը, որ գիտակից գինվորը պատրաստ էր իր ճանապարհից վերացնելու այն ամենը, ինչ նեխված էր, ինչը խանդարում էր նորի, առաջավորի հաղթանակին։ Այդ ամենի համար էլ նոր գինվորը արժանանում էր բուրժուազիայի ու նրա գրչակների ատելությանը։ Սարիղամիշի բուլճերիկները արտահայտելով գինվորների կամքը՝ գրում էին, որ ամենից

33 Նույն տեղում։

34 Նույն տեղում։

բարձր աղմկող բուրժուազիան պատրաստ է ոչ միայն կանգնեցնելու հեղափոխությունը, այլ մերկացնելու ռազմաճակատը՝ ընդդեմ հեղափոխության: «Ռիզայի ճակատի ճեղքումը... այդ կլիկի ձեռքի գործն է»³⁵, — ընդհանրացնում էր «Սոցիալ-դեմոկրատ»-ը: Բուլշևիկներն անառարկելի փաստերով հիմնավորում էին, որ «հայրենիքի ու հեղափոխության» թշնամիները ոչ թե ղինվորներն են, այլ շահագործող դասակարգերն ու նրանց ծառայական գրչակները:

Իրենց ողջ գործունեությամբ բուլշևիկները ղինվորներին ու բանվորներին նախապատրաստում էին գալիք դասակարգային սուր մարտերի համար:

³⁵ Նույն տեղում: